



सानसेयारि **“बड’सा”** ख्रीर्लाइयाव
स्माज्यादि जिज्जो लोब्बा थानाय रायथाय, खन्थाय,
खल, खल’बाथा आरु दावबायादि थावनि, पार्क
बाइदिनि स्थायव लिन्नाय लिन्दिबां हैथाय ठर/
सानसेयारि **“बड’सा”** ख्रीर्लाइया सेबखानाबै
फोस्वगोन/
बड’सायाव लिन्दायानि हुडा खालाम,
“बड’सा” ख्री नोथां, जौ बयबो आंगो खालाम/
सानसेयारि बड’सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 18 October, 2025 Kokrajhar, BTC, Assam ★ Vol.-35, Issue No.203 ★ R.N.I.Regd.No.40994/91, Assam Govt. Regd.No.IPRD. 40/2006/3, Rs.8/-

राइज्यो बैंगिरिया काति बिहु
फोर्बोनि आसामनि
सुबुंफोरनिसिम हामब्लायथि
बाउहरदों



गुवाहाटी, 17 अक्टूबर: आसाम
राइज्योनि गुबुन मोनसे
मख जाथाव आबाद दिहुन्थाइनि
फालिथाइ फोर्बो काति बिहुनि
सानआव आसामनि राइज्यो बैंगिरि
लक्ष्मन प्रसाद आचार्यआ राइजोनि
साफ्रोमबो आबादारि
सुबुंफोरनिसिम गाहाम हाब्लायथि
बाउहरदों। गावनि हामब्लायथि
(□ 6 बिलाइआव)

गिबि मन्थि ड० शर्माआ प्रागज्यतिशपुर मुलुग सोलोंसालिनि गाइसन्थाय सानआव बाहागो लादों

प्रागज्यतिशपुर मुलुग सोलोंसालिया हादर दाफुनायनि थाखाय गावखौ
बाउसोमनायनि थियारि खालामनायाव बिफाव लानांगोन: गिबि मन्थि

दिसपुर, 17 अक्टूबर: आसामनि
गिबि मन्थि ड० हिमन्त बिश्व
शर्माआ दिने चन्द्रपुरनि
हाजंबारियाव थानाय प्रागज्यतिशपुर
मुलुग सोलोंसालिनि 4थि
गाइसन्थाइ सान फालिनाय
हाबाफारियाव गाहाइ आलासि महरै
बाहागो लादोंमोन। गाइसन्थाइ सान
फालिनायनि लोब्बाथै मुलुग
सोलोंसालिनि गोदानै लुफुनाय
अडिटरियाम आरु पार्मसि
ब्लकखौ बेखेवनानै होयो गिबि
मन्थि ड० शर्माआ। दिने 4थि
गाइसन्थाइ सानआव प्रागज्यतिशपुर
मुलुग सोलोंसालिनि साफ्रोमबो



बिबुंगोरा, मावफारिया आरु
फरायसाफोरनिसिम गाहाम
हामब्लायथि जासिनानै गिबि मन्थि
ड० शर्माआ गावनि बिबुंथियाव
फोरमायोदि, प्रागज्यतिशपुर मुलुग
सोलोंसालिया ओन्सोलआव सुबुं
सम्फद सोरिजनाय आरु भारतनि
(□ 6 बिलाइआव)

राइज्यो बैंगिरिया ‘गभर्नर आसाम प्रतिभा प्रत्साहन यजना 2025’ नि गेजेरजों सोलोंथाइ लाबाय थानाय फरायसाफोरखौ लोगो हमदों

गुवाहाटी, 17 अक्टूबर:
आसामनि राइज्यो बैंगिरि लक्ष्मन
प्रसाद आचार्यआ दिने गोदान
दिल्लीनि आसाम भवनआव
‘गभर्नर आसाम प्रतिभा प्रत्साहन
यजना 2025’ बिथारिनि गेजेरजों
बेसेन नाड जासे इडिपिएससि आरु
सिएसइ कचिनि थाखाय फोरोंथाइ
लाबाय थानाय आसामनि
फरायसाफोरखौ लोगो हमनानै
सावययलायदों। राइज्यो बैंगिरिया
कचिनि फोरोंथाइ लाबाय थानाय
गासै फरायसाफोरजों सावययनानै
बिसोरनि सोलोंथाइ लानाय
बिथिखव दावगानाय आरु जर’खा
थाखो खालामनायनिफ्राय दासिम
मा मा मुलाम्फा एबा सोलोंथाइ
मोन्ने हाखो बेफोरनि सोमोन्दै
फरायसाफोरनिफ्राय मिथिनानै



लायो। बे बुब्लियावनो राइज्यो
बैंगिरिया सरकारनि थांखि बायदियै
सिभिल सार्भिस आन्जादखौ
उधिसार जानांगौनि थाखाय गावखौ
बाउसोमनानै जाफुसार जानो

थुलुंगाखां बोसोन होयो। बेजों
लोगोसेनो सिभिल सार्भिसनि
थाखाय खोथा होनाय, आबुथि
गभर्नर आसाम प्रतिभा प्रत्साहन
आरु गावखौ बाउसोमनायजों
(□ 6 बिलाइआव)

बड’लेण्ड मुलुग सोलोंसालिआव देंखोगिरि जुबिन गार्गनो मान बाउदों एबसुनिफ्राय

जुबिननि थैनायखौ सिबिआइनो नायसंनो एबसुनि दाबि, बाक्सानि जाथाया
सरकारनि गोरोन्थि खान्थि आरु सामलायनो हायैनि अज’द एबसुनि

न्याय मोनैसिम
एबसुआ जुजिलांगोन:
दिपेन बर’

कक्राझार, 17 अक्टूबर:
आंगोनो आंगो देंखोगिरि जुबिन
गार्गनि सोमोनांथावनानै जिउ
गोमानाय जाथाया दान मोनसे
बारग’लांबायब्लाबो राइज्यो
सरकारआ देंखोगिरिनि थैनायनि
न्यायखौ दिने सिमबो
आसामआरिफोरनो होनो हायैयाव
(□ 6 बिलाइआव)



तिपकाइ मडेल देहा फाहामसालियाव 2थि देहा फाहामथाइ बादाखौ मावफुं सोद्रोमा मुन मुन ब्रहाआ बेखेवबाय

पर्वतझरा, 17 अक्टूबर: आसाम
सरकारनि जागानाय शुश्रुसा शेतु
बिथारिनि गेजेरजों दासान्दि
राइज्योनि गासै जिल्ला आरु
महकु माफोराव गेदेर देहा
फाहामथाइ मावबादाया
सोलिगासिनो दडा। गुबुन-गुबुन
जायगाफोराव खुंनाय बायदिनो
पर्वतझरा बिधान सभा बियाबनि
सिखव थानाय तिपकाइ मडेल देहा
फाहामसालियावबो दिनेनि मोनसे
गेदेर देहा फाहामथाइ बादा खुंनाय
जादों। बे देहा फाहामथाइ बादाखौ
जिल्ला देहा बिफाननि
मावख’गिरिफोरनि नुजाथिनायाव
बिटिसिनि मावफुं सोद्रोमा मुन मुन



ब्रहाआ बेखेवनानै होयो। बे देहा
बादायाव ओन्सोलनि गासै सा
1,551 सुबुंफोर गावसोरनि देहा
आन्जाद खालामजानायनि गेजेरजों
गुबुन-गुबुन रोखोमनि देहा
फाहामथाइनि खाबुखौ मोन्ने

हादों। बेबायदिनो बे देहा बादायाव
(□ 6 बिलाइआव)

जुबिन गार्गनि नख ’रआव खौरां लाफैदों कंग्रेस दैदेनगिरि राहुल गान्धीआ

डिजिटल डेस्क, 17 अक्टूबर:
जुबिन गार्गखौ मान बाउनो
थांखियै दिने आसामआव
नुजाफैदों कंग्रेस दैदेनगिरि आरु
एमपि राहुल गान्धीआ। मुक्ति
गान्धीआ दिने शुक्रबारखालि
गुवाहाटी बस्झार उरां गाथोनआव
फैनायनि उनावनो थोंजोडै
सनापुरआव थानाय जुबिन गार्गनि
मांखरसालिआव थाडो। बेयाव
बिथाडा जुबिन गार्गनि
सावगाारियाव बिबार सारसिनानै



मान बाउयो। लोगोसे जुबिन गार्गनि
आंगो बिफां नाहर बिफानि फुलि
गायनानै देंखोगिरिनि सिबिनाय
जासियो। मख’नो गोनांदि, जेबो
रोखोमनि दोलोआरि हाबा-हुखा
(□ 6 बिलाइआव)

केरलानि दाब-दाब ओन्सोलनिफ्राय गोमानाय गं 11 मबाइल बोखांदों अरं पुलिस थानानि बिबानगिरिया



उदालगुरि, 17 अक्टूबर : उदालगुरि जिल्लानि अरं पुलिस थानानि
सिखव थानाय दाब-दाब ओन्सोलनिफ्राय गोमानाय मबाइलफोरखौ
दिने अरं पुलिसआ सिग्रोमनानै बोखानो हायो। अरं पुलिस थानानि
बिबानगिरि शरत चन्द्र कलितानि दैदेननायाव आरु लोगो नायगिदिगिरि
दिगन्त कुमार बरनि सामलायनायाव (□ 6 बिलाइआव)

उदालगुरिनि टंलायाव गौमा देहा सिबिथाय बादाया खुंफुं जालांबाय

उदालगुरि, 17 अक्टूबर:
हादोरसा एबा राइज्यो सरकारनि
सिबिनाय आरु बाउसोमनाय
हाबाफारिनि बाहागो महरै दिने
शुक्रबारआव टंला बिधान सभा
बियाबनि सिखव थानाय टंला
गोजैसिन गेजेर फरायसालिनि
लांगोनायाव ‘शुश्रुसा सेतु’ मुनि
मोनसे गिदिर सावस्ति बादा खुंनाय
जायो। 18 बोसोर बैसोनि उन्दै
गथ’सा आरु लाइमोनफोरनो देहा
फाहामथाय होनो थाखाय राइज्यो
सरकारआ मोनफ्रोमबो बिधान
(□ 6 बिलाइआव)



रुंसारि जुबिन गार्गनि थार बिजिरनाय मोन्नांगौनि
दाबिजों लोगोसे खौरांगिरिफोरखौ
गाग्लोबनायखौ लानानै उदालगुरिआव खुद्रिसारदों



उदालगुरि, 17 अक्टूबर: उदालगुरि जिल्ला कमिटि आसाम भारता
जिबो संधनि बान्जायनायाव दिने उदालगुरियाव रुंसारि जुबिन गार्गनि
थार बिजिरनाय मोन्नांगौनि दाबिजों लोगोसे बाक्स जिल्लानि निकसियाव
खौरांगिरिफोरनि सायाव गाग्लोबनाय जाथायखौ लानानै जख’न्थाइ
खुद्रिसारनाय हाबाफारि लानाय जादों। (□ 6 बिलाइआव)

केथलिक धोरोमारनि गोथार बिचप गीर्जा ‘बडाइगाव डाइच’नि रुपाथि फोर्बो

22 आरु 23 नभेम्बरआव साननैनि हाबाफारिजों रुपाथि माइथाय फोर्बोखौ खुंगोन



बड’सा थान्दै/बासुगाव, 17
अक्टूबर: चिरां जिल्लानि
चापागुरिआव थानाय ख्रीष्टान
धोरोमारि गोथार बिचप गीर्जा
‘बडाइगाव डाइच’ नि रुपाथि
माइथाय फोर्बो खुंनो लाहार-फाहार
खालामदों। थांनाय 2000
माइथायआव गायसन्नाय
(□ 6 बिलाइआव)

गसाइगाव फरायसालिमानि बान्जायनायाव इन्टार कलेज फुटबल टुर्नामेन्टआ जोबलांबाय

कक्राझार कमारच कलेजखौ फेजेन्नानै
गसाइगाव कलेजनि देहसासार

गसाइगाव, 17 अक्टूबर: बड’लेण्ड मुलुग सोलोंसालिनि
सिखव थानाय गासै फरायसालिमाफोरखौ लानानै थांनाय 15
अक्टूबरनिफ्राय जागानाय 17 अक्टूबरसिम गसाइगाव
फरायसालिमानि गेलेग्रा फोथाराव खुंजानाय फरायसालिमा



थाखोनि जोलुर बादायलायनाया इन्टार कलेज फुटबल
टुर्नामेन्टआ दिने जोबलांबाय। गसाइगाव फरायसालिमानि
बान्जायनायाव खुंनाय बे इन्टार कलेज फुटबल टुर्नामेन्टनि
दिने जोबथा बादायलायनाया कक्राझार कमारच कलेज आरु
गसाइगाव फरायसालिमानि गेजेरव जादोंमोन। मोनैबो
हान्जानि गेजेरव गोब्राव नाजालायनायनि गेजेरजों दिनेनि
जोबथा बादायलायनायाव (□ 6 बिलाइआव)

SINCE 1982

DAS[®] JEWELLERS

J.D. Road Kokrajhar

LUCKY GOLD COIN DHAMAKA

बे दुर्गा फुजा आरु दनतेरासनि समाव 3 ग्राम आरु बेनि बांसिन सना
बायोब्ला, सा 15 बायगिरिफोरा 1 ग्राम सना देहानायनि मोनसे खाबु
मोन्ने हागोन।

25 सेप्टेम्बर, 2025 निफ्राय जागानायनै 20 अक्टूबर, 2025 सिम
नोथांनि केस मेम ’खौ लानानै नोथांनि Lucky Draw Coupon खौ
लांफै आरु सना देहानायनि मोनसे मोजां खाबुखौ ला।

This Durga Puja and Dhanteras, on Purchase of Gold Ornament of 3gms and above, 15 Purchasers gets a chance to win 1 gm Gold Coin Each.

Starting From 25th September, 2025 to 20th October, 2025. Collect your Lucky Draw Coupon along with your cash memo and stand a chance to win gold.

Ph: 03661-355618,
Cell No.: 8876631728

आसामनि काकपाथरआव थानाय सान्थिफोरनि केम्पआव गाग्लोबदों

गुवाहाटी, 17 अक्टूबर: आसामनि तिनसुकिया जिल्लानि काकपाथरआव हर गेजेराव जानाय मोनसे गोहो गोर गाग्लोबनायनि गिनाय सोमजियो, जेब्ला सिनायमोनै गाग्लोबग्राफोरा माखासे ग्रेनेड गावहरो आरो भारतआरि सान्थ्रिनि केम्पआव गुलि गावयो। बे के म्पआ काकपाथर पुलिस स्टेसननिफ्राय गासै 1 किल'मिटार, दमडुमानिफ्राय 18 किल'मिटार, तिनसुकिया जिल्ला गाहाइ मावख'निफ्राय 32 किल'मिटार आरो राइज्योनि राजथावनि गुवाहाटीनिफ्राय 532 किल'मिटार गोजानाव दङ। रैखाथि सुलुनि बायदिल्ला, बे गाग्लोबनाया गासै 12:30 रिगायाव जागायो, जेब्ला गाग्लोबग्राफोरा गोब्राँवै



सान्थिफोरनि केम्पयाव थरथाम आन्डार बेरल ग्रेनेड लान्च्नार गावहरो। बेनि उनाव बियो लान्थ्रियै 30 मिनिटसिम लान्थ्रियै गुलि गावयो, जायजों थागिबिफोरनि गेजेराव खारलुं-

खारसि सोमजियो। बे जाथायनि सोमोन्दै सान्थ्रिफोरनि पिआरए आरो तिनसुकिया पुलिस खुंथाया दासिमबो जेबो बिबुंथि फोसावाखै। नुगिरिफोरा बुंनाय बायदिल्ला, उतखारिफोरा गंसे

ट्रकआव फैनानै गाग्लोबो आरो खोमसिनि खाबु लानानै जायगानिफ्राय खारो आरो गुलि गावनाय समाव साधाम सान्थ्रियारि मावसुमाफोरा जोखोम जायो। □

इन्डियन एयार फर्सआ चीनखौ उनाव खालामनानै थामथि गोहो गोर अखांमा सान्थ्रि जादों

गोदान दिल्ली, 17 अक्टूबर: भारतआ अखांमा सान्थ्रि गोहोनि बिथिडाव चीनखौ उन खालामदों। वलर्ड डायरेक्टरी अफ मडार्न मिलिट्री एयारक्राफ्ट (डब्लिउडिएमएमए) नि गोदान रिपोर्टनि बायदिल्ला, भारतआरि अखांमा सान्थ्रि (आइएएफ) आ आथिखालाव आमेरिका आरो रसियानि उनाव मुलुगनि थामथि बयनिखुइ गोहो गोर अखांमा सान्थ्रि जाबाय। चीननियाव भारतनिफ्राय बांसिन दावहार उरां जाहाज दङ। नाथाय आइएएफआ बांसिन गोदान मुगा आरो मिसनखौ फिन्नाय होनो थाखाय साबसिनै थियारि जादों। भारतनि गोहोया गोदान मुगानि



ट्रेनि, गोखों हाबाफारि आरो गोखों गाग्लोबनायफोराव दङ। अपारेसन सिन्दुरआवबो भारतआरि अखांमा सान्थ्रिफोरा गावसोरनि बे गोहोखौ फोरमान खालामदों। डब्लिउडिएमएमएआ बोसोरफ्रोमबो अखांमा सान्थ्रिफोरनि गोहोखौ नोजोर लाखियो। बे रेंकिं आ उरां जाहाजफोरनि अनजिमाजॉल' जाया। बेयाव दावहार, गोहो,

रैखाथि गोहो, लाजिस्टक सापर्ट ट्रेनिं आरो गोदान मुगानि टेकनिकफोरबो दंफायो। अखांमा सान्थ्रिफोरनि रेंकिं आरो टिभिआर 1-आमेरिका 242.92-रसिया 114.23-भारत 69.44-चीन 63.85-जापान 58.1-नट: टिभिआरखौ ट्रेभेल रेंट बुंनाय जायो। डब्लिउडिएमएमएआ अखांमा सान्थ्रिफोरनि रेंकिं खालामनो थाखाय बेफोर

टेकनिकखौनो बाहायो। चीनआ गावसोरनि अखांमा सान्थ्रिखौ आपग्रेड खालामनो आरो एडभान्स टेक्नल'जिखौ दिहुनायनि सायाव गोबां आरब डलार खरसा खालामगासिनो दङ। बेराफार्से, भारतआ मेशिनफोरनि अनगायै पायलटफोरनि ट्रेनिं आरो दावहानि थियारिनि सायावबो नोजोर होयो। □

मेडागास्कारआव खुंथाय बोख्लायनायनि उनाव कामानआ सान्थ्रिनि आखाय फैदों



मेडागास्कार, 17 अक्टूबर: मेडागास्कारआव Gen-Z नि धर्नानि जाहोनाव खुंथाया बायो। खुंथाय बोख्लायनायखौ दैदेनग्रा

सान्थ्रिनि कर्नेलखौ हादतगिरिनि मुडाव समायखिरा होनाय जागोन। कर्नेल माइकेल रेन्ड्रियनिरिना फारसेनिफ्राय

होनाय मोनसे बिबुंथिनि बायदिल्ला, शुक्रबारखालि गोजौ संबिजिरारि बिजिरनायाव खुंनाय मोनसे जथुम्मायाव बिखौ

मेडागास्कारनि दैदेनगिरि महरै समायखिरा होनाय जागोन। मेडागास्कारआव Gen-Z सोमावसारनायनि जाहोनाव हादतगिरि एन्डी राजइलिनाआ गावनि जिउखौ गिनांगौ होन्ना हादतनिफ्राय खारदोंमोन। बियो दा बहा दङ बेखौ दासिमबो मिबथिनो मोनाखै। मेडागास्कारखौ आफ्रिका संगनिफ्राय सारुफे न्ट खालामबाय। कर्नेल रेन्ड्रियनिरिनाआ बावयैसो सिगां बुंदोंमोनदि, सान्थ्रि हान्जाफोरा 3 सप्ताहनिफ्राय सोलिनय सरकारनि हें थायै धर्ना खालामनायनि उनाव कन्ट्रलखौ

गावसोरनि आखायाव लागसिनो दङ। मेडागास्कारआव धर्नाखौ लाइमोनफोरा दैदेन्दों। बे लाइमोनफोरा सरकारि सिबिथायफोरनि फेलें जानाय, निखावरि आरो खाबुफोरनि आंखालनि हें थायै धर्ना खालामदों। बेनि सिगां नेपालआवबो धर्नानि उनाव दैदेनगिरिफोरखौ खुंथायनिफ्राय बो छल। यदों मोंन। मेडागास्कारआव जानाय थासारिखौ लानानै इउएन गाहाइ नेहाथारि एन्टनिय गुटेरेसनि बुंथिगिरि स्टीफन टुजारिकआ बुडोदि, इउएन गाहाइ नेहाथारिआ मेडागास्कारआव सरकारनि संबिजिरारि नङे सोलायनायखौ सोंखारिदों आरो संबिजिरारि बेबस्था आरो आइननि खुंथायखौ बोखांना लानो खावलायदों। □



गुवाहाटी, 17 अक्टूबर : सन्देह' खालामथाव इउनाइटेड लिबरेशन फ्रन्ट अफ आसाम आरो नागालैन्डनि नेशनेल ससेलिट स्ट काउन्सिलआ बृहस्पतिवारखालि अरुणाचल प्रदेशनि चालां जिल्लानि सिङाव थानाय हटमान गामिनि खाथिनि आसाम राइफलस केम्पनि

सायाव गाग्लोबदों। सुलुडाव मिबथिनो मोन्नाय बायदिल्ला, बे गाग्लोबनाया जिल्लानि मन्माअ सार्कलआव फुर्नि 2:30 रिंगानिफ्राय 3:30 रिंगानि गेजेराव जादों। गाग्लोबग्राफोरा केम्पआव गुलि गावहरनो जागायदों, जायजों गोबां गावगलुंलायनाय जायो। उनाव

हेलिकप्टारफोरा गुलि गावलायनायाव जोखोम जानाय सा 4 आसाम राइफलस मावफारियाफोरखौ फाहामथाइनि थाखाय एयारलिफ्ट खालामदों। गिबिसिन रिपोर्टआव मिबथिहोनाय बायदिल्ला, गासै सा 45 सान्थ्रि हान्जा उतखारिफोरनि मोनसे हान्जाया बे गाग्लोबनायखौ मोगथां महर होदों। बबेखानि बिबानगिरिफोरा दासिमबो गाग्लोबग्राफोरनि थि अनजिमा आरो गाग्लोबनाय समाव ख'हा जानायनि गासै खौरांफोरखौ रोखा मिबथि होयाखै। □

केरिबियाइ लैथोआव आमेरिकाया ड्राग्स स्मर्ग्लिं खालामबाय थानाय भेनेजुएलानि शिपखौ नोजोर होदों

गोदान दिल्ली, 17 अक्टूबर: आमेरिका आरो भेनेजुएलानि गेजेराव जेंनाया खम जानायनि मुं लायाखै। आमेरिकानि सान्थ्रिआ केरिबिआइ लैथोयाव गंसे सन्देह खालामथाव ड्राग्स स्मर्ग्लिं खालामबाय थानाय नावखौ गाग्लोबो। आमेरिकानि सान्थ्रिफोरनि गेजेराव बे गाग्लोबनायखौ ड्राग्स स्मर्ग्लिनि सन्देहआव खालामनाय जादों। बे गाग्लोबनायाव नावआव गाखोनाय सुबुंफोरा रैखा मोनो। नाथाय शिपआ आबुडै सिलिंखार



जायो। आमेरिकानि सान्थ्रिआ थांनाय बृहस्पतिवारखालि केरिबियान लैथोआव गंसे सन्देह खालामथाव जाहाजनि सायाव गाग्लोबो। आमेरिकानि

सान्थ्रिफोरा गिबि खेब ओरैबायदि गाग्लोबदों, जेराव आलायग्रा दोलोनि माखासे सुबुंफोर रैखा मोन्दों। बेराफार्से, बे गाग्लोबनायखौ लानानै ट्राम्प खुंथाया बुडोदि, आमेरिकाआ सिगांनिफ्रायनो भेनेजुएलानि फे ग्रा बेसादखौ उतखारि आफादफोरजों लोगोसे दावहायाव सोफाबाय, जायजों बे गाग्लोबनाया आइनआरि जायो। आमेरिकानि बिबानगिरिफोरा गावसोरनि

सिनायथिखौ लाखोमानायनि शार्थआव फोरमायोदि, बे आमेरिकानि गाग्लोबनायनि खौराड सिमना गोनां, जायखौ सिगाडाव रिपोर्ट खालामाखैमोन। नाथाय बे गाग्लोबनायनि उननिफ्राय बेबायदि सोंथि सिखाडोदि, आमेरिकानि सान्थ्रिफोरा गोथाडै रैखा मोन्नाय सुबुंफोरखौ मदत खालामदों ना बिसोर आथिखालाव आमेरिकानि जिम्मायाव दङ। पेन्टगनआ बे गाग्लोबनायखौ लानानै जेबो रोखोमनि बिबुंथि होयाखै। बे गाग्लोबनायनि सिगां भेनेजुएलानि बोरियाव सन्देह खालामथाव जाहाजयाव आमेरिकानि सान्थ्रियारि गाग्लोबनायाव खमैल्लाबो सा 27 सुबुंफोरनि जिउ गोमादों। □

छत्तीसगड़आव सा 208 माअवादिफोरा हाथियारगथायदों

गोदान दिल्ली, 17 अक्टूबर: चत्तीसगड़आव नक्सालनि हें थायै पुलिसआ गिदिर जाफुंसारनो हादों। बेजों लोगोसे सा 208 नक्सालिफोरा सारेन्डार खालामो। गावसोरखौ गथायग्रा नक्सालिफोरनि गेजेराव सा 110 आइजोफोर आरो सा 98 हौवाफोर दंफायो, जायफोरा होबथाजानाय भाकप (माअवादि) आफादनि गुबुन गुबुन रेंकफोरखौ दैदेनो। गासै नक्सालिफोरा गावसोरखौ गं 153 हाथियारफोरजों लोगोसे गथायो। अदेबानि सरकारआ छत्तीसगड़ नि फ 1 य न क स ि ल फ ो र ख ौ फोजोबस्त्रानायाव नांथाबदों।



नक्सालिफोरखौ फोजोबस्त्रानो थाखाय मिरुआरि नखर मन्थ्रि अमित शाहआ फैगौ 2026 नि 31 मार्चआव डेडलाइन थि खालामदों। बे बिथिडाव

लोगोसेयै एसेबां गोबां अनजिमानि नक्सालिफोरनि सारेन्डार खालामनाया नक्साल हें था हाबाफारिनि थाखाय मोनसे गिदिर जाफुंसारनाय।

बिबानगिरिफोरा फोरमायनाय बायदिल्ला, अबुझमाइनि बांसिन बाहागोया नक्सालीफोरनि गोहोमनिफ्राय उदां जाबाय, जायजों सा बस्तरआव गोबां बोसोरनिफ्राय सोलिबोबाय थानाय लाल उतखारिफोरा जोबना थाडो। बेनि जाहोनाव आथिखालाव नक्सालवादआ खोला बस्तरावल' दंसै। बिबानगिरिफोरनि बायदिल्ला, गावसोरखौ गथायग्रा हान्जायाव सा 110 आइजो आरो सा 98 हौवाफोर दंफायो। सारेन्डार खालामग्रा नक्साली भाकपा आफादनि गुबुन गुबुन रेंकफोरखौ दैदेनो। बेयाव सासे मिरुआरि कमिटिनि सोद्रोमा (सिसिएम), साब्रै डिकेएसजेडसि सोद्रोमा, सासे ओन्सोलारि कमिटिनि सोद्रोमा, सा 21 डिभिसिएम, सा 61 एसिएम, सा 98 पाटि सोद्रोमा आरो 22 गुबुन मावसुमाफोर दंफायो। □

आलिपुरदुवार खोन्दोआव कंटरि इउनिट		
आलिपुरदुवार डिभिजनआव गं 9 कंटरि इउनिट (जिएमइउ) नि थाखाय इ-निलाम फोखावनाय जादों। निलाम केटलक नं: सि-एफ-कंटरि-1, रेट इउनिट: बोसोरारि लाइसेन्स होनाय मासुल। सम: 1826 सान। निलाम जागवनाय खालार आरो सम: 03-11-2025 आव 10:00 रिगा।		
फारि नं.	लट केटलक नं./कंटरि	फोरमायथि
एए/1	कंटेगारि-एफिडिजे-डिएलअ-जिएमइउ-46-22-1 (कंटरि - जेनेरेल माइनर इउनिट (जिएमइउ))	ढालगाव स्टेसननि 'प्लेटफर्म-2' आव।
एए/2	कंटेगारि-एफिडिजे-डिएलएमए-जिएमइउ-51-22-1 (कंटरि - जेनेरेल माइनर इउनिट (जिएमइउ))	गुलगावेलवे स्टेसननि 'प्लेटफर्म-2' आव।
एए/3	कंटेगारि-एफिडिजे-डिब्लिक्स-जिएमइउ-49-22-1 (कंटरि - जेनेरेल माइनर इउनिट (जिएमइउ))	फाकिसादांगा स्टेसननि 'प्लेटफर्म-1' आव।
एए/4	कंटेगारि-एफिडिजे-एफकेएम-जिएमइउ-103-24-1 (कंटरि - जेनेरेल माइनर इउनिट (जिएमइउ))	फाकिसादांगा स्टेसननि 'प्लेटफर्म-1' आव।
एए/5	कंटेगारि-एफिडिजे-डिब्लिक्स-जिएमइउ-101-23-1 (कंटरि - जेनेरेल माइनर इउनिट (जिएमइउ))	धुबुरि स्टेसननि 'चाकु'लेटि एरियाआव।
एए/6	कंटेगारि-एफिडिजे-जिअजिएडस-जिएमइउ-53-22-1 (कंटरि - जेनेरेल माइनर इउनिट (जिएमइउ))	गसाइगाव हाट स्टेसननि 'प्लेटफर्म-1' आव।
एए/7	कंटेगारि-एफिडिजे-बिर्नोभि-जिएमइउ-32-23-1 (कंटरि - जेनेरेल माइनर इउनिट (जिएमइउ))	बिर्नागुरि स्टेसननि 'प्लेटफर्म-2-3' आव।
एए/8	कंटेगारि-एफिडिजे-डिडिब्लिउट-जिएमइउ-47-22-1 (कंटरि - जेनेरेल माइनर इउनिट (जिएमइउ))	देवान हाट स्टेसननि 'प्लेटफर्म-1' आव।
एए/9	कंटेगारि-एफिडिजे-केएएमबि-जिएमइउ-63-22-1 (कंटरि - जेनेरेल माइनर इउनिट (जिएमइउ))	कामाख्यागुरि स्टेसननि 'प्लेटफर्म-1' आव।
निलाम जोबनाय खालार आरो सम: 03-11-2025नि फुनि 11:50 रिगाआव। मोनफ्रोमबो मोनसेनि उनाव मोनसे लटरआ 10 मिनिटनि फारगान्थियाव बन्द जागोन। नट: जानो हाथाव बिडारफोरखौ गोबां गुदिरिखानि थाखाय आइआरओपीएस वेबसाइटनि इ-निलाम लिजि मडुलुल www.ircps.gov.in आव नायनो थाखाय खावलायनाय जायो।		
डिभिजनल रेलवे मेनेजर (सि), आलिपुरदुवार जंसन		
सा-सान्जा सिमना रेलवे		
मिनिस्त्रनायजों ग्राहकफोरनि सिबिधाइ		

No.B/HFD/33/5/Auction/2659

Dated Kokrajhar the 17/10/2025

SHORT SALE NOTICE

Interested individuals and parties are hereby invited to participate in an open Auction Sale of 02 (Two) nos. Timber Lots (Lot No.NG/UC/04 of 2025-26 and NG/UC/05 of 2025-26) Comprising 3.676 m3 of unclaimed seized Sal Logs & Sal Sawn Timber, Teak & Sal Logs = 60 pcs. The auction will be conducted on 24/10/2025 at the office of the Divisional Forest Officer, Haltugaon Division, Kokrajhar as per Auction Notice No. 175, Dated: 17.10.2025. Sd/-

Divisional Forest Officer, Haltugaon Division, Kokrajhar

IPR(BTC)/C/2025-26/2997



थांखि लायो। बेनि गेजेरजों चेम्बार अफ कमार्सआ ट्राम्पनि बे थांखिखौ कर्टआव सेलेन्स होनो थांगासिनो दं। अदेबानि आमेरिकानि हादतगिरिया बे थांखिजों आमेरिकानि

रांखान्थियारि थासारिया गोबां गोखों जागोन होन्ना दाबि दैखांदोंमोन। आथिखालाव ट्राम्पनि बे थांखिनि गोहोमखौबो नुनो मोन्दों। माखासे कम्पानीफोरा

गावसोरनि मावसुमाफोरनो बे भिजाखौ होनो बन्द' खालामबाय, जायजों माखासे सुबुंफोरनि सायाव बेनि थोंजों गोहोमा गोर्गलैयो। इउएस चेम्बार अफ कमार्सआ ट्राम्प

मुलुगनिफ्राय जानगाराव थानाय मोनसे समायना दावबायथाव द्वीप



मुलुगनाड्डै गोबां समायना-समायना जायगा दड; जेराव थानो साफ्रोमबो सिमां सुजुयो। माखासे जायगाफोरा जोबोर समायना जानायजों लोगोसेनो रहस्य गोनांबो, जायखौ आथिखालावबो रोखा खालामनो हायाखै। बिबदिनो जों दरसे आइलेण्ड एबा द्वीपनि बागै मिबथिहोनो लादों, जाय समायना जानायजों लोगोसेनो रहस्यगोनांबो। बे द्वीपआ

मुलुगनिफ्राय एबा हादतफोरनिफ्राय जानगाराव दड। जेरैबो सोरगिदिं लैथोमानि दैजों बेंखनजानाय बे द्वीपआ आरो गोबां खम सुबुंफोर बेखौ मिबथिगौ। लैथोमानि दैजों बेंखन्ना थानाय आरो रहस्यमत द्वीपनि मुंआ ‘ट्रिस्टान दा कुन्हा’। मुलुगनिफ्राय जानगाराव थानाय सुबुंफोर थाग्रा द्वीप होन्नाबो बेंखौ बुंनाय जायो। जारिमिनारि बायदिब्ला, सासे पुर्तुगाल संदानगिरिया

सान्श्रिफोरा रैखाथियै थानो थाखाय बेयाव आस्रय लादोंमोन। बिसोर सेन्ट हेलेनानिफ्राय नेपलियान बनापार्टनि रैखाथिखौ होबथानो थाखाय बे आइलेन्डआव थानो हमो। उनाव गासैबो सरासनस्त्रा जानानै फोनायाव बिसोरो बेयावनिफ्राय थांफिना जासेनो माखासे सान्श्रि आरो नोगोरारिफोरा बेयावनो थाबोयो। मोनसे रिपर्टनि बायदिब्ला, 2018 सिमाव बे द्वीपआव ब्रिटिस अभारसिज टेरिट्रिजनि सिटिजेनसिपजों एबा नोगोरारि मोन्थाइजों सा 250 अरायथा थागिबि दंमोन। ट्रिस्टन दा कुन्हायाव थानो थाखाय खोला आफ्रिकानिफ्राय 6 सान लैथोमानि बिखायाव दावख्लायनांगौ जायो। बे द्वीपआव थानो थाखाय जेबो लेन्डिं स्ट्रिप एबा उरां गाथोननि सुबिधा गैया। नावआल'बेयाव थालाय-फैलाय खालामनायनि गाहाइ बिजों।□

आंखौ नायहर

आंखौ नायहर आफा आंनि थांखिखौ नायहर, जेरावनाखि बयबो आंनि गोसो गोरबोजों लुबैनाय जिउनि लामाजों आगान सुरनो बयखौबो नायहर। हाग्रा-बंग्रा, जेंना जेंसिखौ सौसि सौसि सुबुं माहारिनि खौसेथि लाबोनो नाजानायाव आंखौ नायहर। लाइमोनफोरखौ लोगो लानानै रंजा-बाजा सोलोंनानै जिउनि लामा नागिरनायाव, समाजखौ फोसाबनो नाजानायाव, आंखौ नायहर आफा आंनि थांखिखौ नायहर।

बिरदाव नार्जारी गामि- खारगाँव

बेखायनोथ’ आं, नोंखौ हास्थायो

सिमांफोरा मोनसे गोर्बोजों सुजुजानाय मोनब्ला.. आंबो लुबैयामोन नॉनि गोर्बॉनि मोजोमसे अन्नाय.. गोदै मिर्जिनि अन्नायनि देराया मोनसे गोर्बोजों लुजानाय मोनब्ला आंबो नागिरामोन, नॉनि मिनिस्तुनाय...!

बेखायनोथ’ आं, नोंखौ हास्थायो सिमांखौ सिमांजों जोनोम होनानै अन्नायनि मोनै गोर्बोजों गोरोब होनानै गुबुना जेरै.. अनलाइनायनि देरा लुयो आंबो बिब्दिनो हाबिलास जायो नॉनि गोर्बॉनि अन्नायखौ लानानै!

बेखायनोथ’ आं, नोंखौ हास्थायो नों सिमांनि राजखुंग्रि जायोब्ला आं मिर्जिनि मोनसे देरा जागोन, अनसुलि गोसोनि नॉनि अन्नायखौ लाना मिर्जिनि.. मोनसे थावनिसिम हास्थिनो आरो नॉनि सिमांखौ जोथोनै लाखिनो!

बेखायनोथ’ आं, नोंखौ हास्थायो नॉनि आंनि फारनै आखायनि बोलोजों बे मुलुगाव हास्थिनो... आगानजों आगान गोरोब होना नॉनि आंनि आलादा रायजो सोरजिनो आरो.. गोर्बॉनि मिर्जिंखौ गोथार थावनिसिम दैदेन्तो।।

-आलेरा बर’ सा-देखियाजुलि

सिमांखौ नागारबाय आं

सिमां नुनायखौ नागारनो आं हाबाय बोहैथि समनि दाहारजों लासै-लासैनो बावगारनोबो आं सोलोंबाय। गावखौ बुजायना लानो आं हाबाय गोजोन्नायखौ नागिरना मिनि-रंजानो फिसा-फिसा बुब्लिआव रेंबाय। मेगननि मोदैखौ हमथानो आं हाबाय मिनिनानै गासैखौबो लाखोमानो गुबुनजों रंजाफानो सोलोंबाय। दाहा-दिखारखौ सहायनो आं हाबाय गोसो हमथाना आगान बारायनो संसारनि मायाखौ आं बुजिबाय। रंजा-खुसियाव थानो आं हाबाय सुदेम बारजों रैसुमै देंखो बोफानो नि-नि ना-ना जाबादाजा रेंबाय। मोगथांनि फैसालि आं संनो हाबाय नंखायनि आयनाखौ गारबाय नायनो थार गोजोन्नाया बबाव दं मिबथिबाय। खायसिब मोन्नायखौ आं गारनो हाबाय गोरबोनि सानर्दाथि दानगार हरनो जोंथि मोदैजों मिनिखैरेनो रेंबाय। उनदाहा जानायखौ नागारनो हाबाय जिउनि थार ओंथि मोनबाय बुजिनो थानाय समा गुबै फरा फोरेंलांबाय। नायख्ळेंनो आंबो दानिया हाबाय उदां गोसोजों खां-खां मिगिलाबनो संसारनि माया गावनि गुमुर होलांबाय।

-थुनि बसुमतारी कक्राझार

जिउनि दिडा

गोसोआव दड आंहा अन्जिमा गैयै मिर्जिं, बायहाजार गोसोनि हास्थायनाय जिउनि दिडा सुग्लायनाय। सोमखे दावखा बिदै जोमैनि सेरजों मिनिखैरे मिनि हरो, नुहां-नुवाहां मोब्लिबनि सोराड स्रोब गोमोरफिनो जोमैनि सेराव। दुंखावनाय गोसोजों मेंगिलनाय देहाजों, बाज्रेत-बाश्रेत आगान सुरनानै नायगिरो आं हालाय-हाफाय। सिमब्रे-सिमब्रा बारहुंखाजों खामगिलनाय अरंगेजों, सोरबा खालामो गोसोनि बोलोखौ थलथ’ब गोग्लैयो समनि बैथाया। जिरायना थाद’नि, हमथाना नेदोनि, खेब-खेब रानखेबनाय थिफिलंसे जिउ, फानजारिआव जोबथेदिनि, मैला गोसोखौ सुस्रांदिनि।

राजेश बसुमतारी कारिगाँव, कक्राझार।

रंजालि गथ’फोरनि सौरा

सानबोलावरि

गोरबोनि सानबोलाउरिजों... सिमांनि रंगिना आबिर सारफ्राउना, हाथासि गोसोखौ नाजायो आं बुरखायनो अराय।

नाथाय, लोरबां गोसो – खहाबनाय मोना सानबोलावरिनि बुरखायनायखौ।

हाथासि गोसोया, हास्तायो– थाबैनो फेनायखौसो, सिमां गोरबोनि।

बेनो नामा आय’! हाथासि– जौमोन बैसो।

रकी नार्जारी सान्थिपुर, चिरां

आंनि अनसुलि

फुरनिमा अखोरां हर गेजेराव नागिर बायो..... अखोरां गेजेर गेजेर; जानगार आंनि..... दाबाव नों फैमाल दा खालाम आंनि मिर्जिंखौ। आंदि नोंखौ बेसेबां... लागोन आं अरायबो.... नॉनि बोसोन...; आगान सुरा बैग्रि सु फासै। बोहै होआ अरायबो नॉनि मेगनाव मोदै। दिन्थिगिरि आंनि बे मिथिंगाखौ नायहर नों आंखौ बै फासैनिफ्राइ फेलें खालामा आं नॉनि मिर्जिंखौ गोजोनै था नों जेरावखि थाया मानो नों आंनि अनसुलि।

सादिन ब्रह्म गामि- कक्राझार वार्ड नं- 10

जाबाय आं दुथामि

आंनि जिउनि हाहाहोगिरि अनजालु आन्जालि, बिफा बिमाफोर गावसोरनि गोसो गोर्बोंआव हाजासे, गोथार मिर्जिं लानानै दोनहरदोंमोन, दिनै आंखौ टाउन-सहराव , स्कुल, कलेज फरायनो। बुरलु बुरला खालामनानै गावसोरनि बिखानि थैखौ दै खालामनानै, हरदोंमोन रोजा रोजा रां गावनि फिसानि नांगौ बादियै। नाथाय दिनै मोनथिया हासिया, सहर्नि गुदुं बारजों बारफानानै गावनि सान्नाय हनायखौ सोलायबाय, बिफा-बिमानि सान-इजोदखौ बावगारबाय। लिरनाय-फरायनायआबो जाबाय लैथोनि दै दाहारआव गोजावनाय खोमस्लिफानफोरा बायदि थांखि गैयै। सानफ्रोमबो सहर्नि ग’लायावल’, जौ, सिगारेट आरो थांखु सोबै –सोबै समखौ आं बारहोदोंमोन। गावनि जौमोनननि हाबिलासखौ सानहरनो सम आरो बोथोरआवो गैला आंहा, खालिबोल’ नांगौ –नांगौ-नांगौ जौ, जुवा आरो सिगारेट। गिनाय, लाजिनायआबो गोमा जोबबाय, लामा सामा सिख्ला सासेबो बारग’लिया.... हाय! आं मादि मावफोनांखो.... थारैनो जाबाय आंबो सासे दुथामि।

मुघ्रि प्रफुल्ल नार्जारी। ला:सो:- दतमा। कक्राझार

हांमासो थालांबाय

मेगनाव बोहैयो मोदैनि निजोरा जाहोना मा? फोरमायस’ हाया.... नॉनि अन्नायखौ मिर्जिं थिनानै सुजुदोंमोन गोदै सिमां मोनसे नाथाय, सिमांआ सिमांसो जाबाय..। बेसेन होआखिसै मानोबा आंनि गोसोनि सानस्त्रिफोरा नेवसिनो सानब्लाबो नेवसिनो हाया माथो गोसोआ। आंनि आजोला गोसोआव नॉनि रैरुब महरा नुजाफैबायथासै लाजिसलु महरै.... मिर्जिंथिदोंमोन फेरलेबसे जिउआ नॉनि अन्नाय मोनगोनखौ नाथाय, दिनै गासैबो फेलें नोंखौ लानानै आंनि बिखायाव हांमासो थालांबाय सना....।।

सुनिल सरगियारि गामि: 2 नं चैबारि, बाक्सा

गोसो गोजोननो

मोजां मेथाइ खोनासं मोजां खन्थाइ फरायदे गोजोन फुब्लि समाव गोसो गोजोननो

-रैदोम बर’, बाक्सा

गोसो थोफ्लांबाय आं

गोसो थोफ्लांबाय आं नोंखौ स’ना; मा होन्नानै रायज्लायबावगोन आं नोंखौ लोगो मोनबोला सना। जाया नंड खजाबाय नोंबो सासे महर गोसा नोंबो सासे महर गोसा सिखोला; फसाया नंड फसायफ्लांबाय आंनि जावलिया गोसोआबो। गोजावनांबाय आं नॉनि महरावनो रायखोमा जानांबाय आं ; सुबुंजों हिनजावनि फागोला बखि जानांबाय आं लामा-सामा। दोहो-दोहो खामगिल लांडो आंनि सोलेरा दुखुनि मोदैजों लोमसाव फैयो; जेबोला नॉनि हायना गोनां महरखौ गोसोखांडो हाया आं नोंखौ बावनो हाया। नॉनि मिनिनाय नॉनि रायज्लायनाय दिनै नुयै गामोनबो नुयैनो; गोसो थोफ्लांबाय आं नोंखौ सना नों मानि-दामानि। नाथाय नागिरै-नागिरै मोनबायमोन आं सायखना नोंखौल बे जोनोमाव; मोनहां-मोनाहां जागोना जाया आंनि गोसोजों हास्थायनाया। बेयो आं अराय सम नॉनि गुरै रावनि फिन्नाय सना; आंनि मेग्रेब देरानि दरखांआव।

राम नाथ बसुमतारी ला:सो:- निउ बडाउगाव जिला-चिरां बि टि सि

बारसे गेवलाडै बारफुनाय बिबार

आय’ बेसे समायना नॉनि बे आथुमसे गेवलाडै बारफुनाय महरा समाय होबाय नों जेनि बे बायद्रेब द्रेब देराखौ नॉनि बे आथुमसे गेवलाडै बारफुनाय महरजों!! मायबा नायबाय थाथावथाव ब’जबबा ब’जबबाय थाथाव-थाव आय’ बेसे समायना नों बारफुनाय बिबार!! नोंखौ नुब्ला गोसो खांडो आं आंनि बे सिमांखौ थारैनो जामारगोन नामा मोकथाडव नों बायदि समायना आय’ बेसे समायना नॉनि बे आथुमसे गेललाडै बारफुनाय महरा गोजोनथों।

जहु ब्रह्म ला:सो-जिला-कक्राझार,

माहाम देहानि राहा

लेबुआ देहानि थाखाय मुलाम्फा गोनां जानो हागौ

लेबुआ देहानि थाखाय जोबोद मुलाम्फा होयो। स्वादआव गोखै लेबुआव देहानि थाखाय माखासे मुलाम्फा थाखोमानानै थायो। लेबु जानायजों देहानि दोगोन तन्त्रआ गोखोडै थायो। लोगोसे लेबुनि दै लॉनायजों देहानि एकस्ट्रा केलरिआ बार्न जायो आरो लिरथायखौ खमायहोनायावबो मदद मोनो। आयुर्बेदिक आवबो लेबुआ मख 'जाथाव। आयुर्बेदिक डा: अबरार मुल्तानीनि बादिल्ला, लेबु जानाया देहानि थाखाय माखासे रोखोमनि मुलाम्फा गोनां जानो हागौ। बेयाव केलसियाम, पटेशियाम, फाइबर बायदि देरहोग्रा-लावहोग्रा गुणफोरबो थायो। बेयो एन्टि केन्सार, एन्टि इनफ्लेमेटरि आरो एन्टि माइक्राबाइल गुणफोरजोंबो दाजानाय, जाय थैखौ गोगो खालामो।

(1) दोगोन तन्त्रआ गोखोडै थायो: लेबुआव देहानि थाखाय माखासे रोखोमनि गुणफोर थाखोमानानै थायो। बेखौ जानायजों देहानि दोगोन



तन्त्रआ गोखोडै थायो। लेबुनि दै लॉनायजों देहानि उफ्रा केलरिआ बार्न जायो आरो लिरथाय खमायनायावबो मदद मोनो।

(2) सिथरफोरखौ जानगार खालामो: लेबुआ देहानि थाखायबो जोबोद मुलाम्फा गोनां। लेबुनि बेगरआव एन्टिबेक्टेरिएल थायो, जाय मोखाडाव जानाय सिथर-सिलाफोरखौ जानगार खालामनायनि खामानि मावो।

(3) लिरथायखौ बाडाइ खालामो: बेलि फेट आरो लिरथायखौ बाडाइ खालामनो थाखाय सानफ्रोमबो फुडाव गिलाससे दुबुद दैआव लेबु होनानै उदै खालिआव लॉनांगौ। बेयाव चामुससे बेरो मोदैबो होनो हागोन। बेजों सानसे गोखोडै थानो हागोन।

(4) सुगार गोनांफोरनि थाखाय मुलाम्फा गोनां: हाइ सुगार बेरामिफोरनि थाखाय लेबुनि दैया मोनसे साबसिन राहा। जर'खायै बैसोरनि थाखाय जायफोरा डायभिटिसनि बेरामिफोर आरो जायफोरा लिरथायखौ खमायनो लुबैयो। बेजों देहाया एनार्जिबो मोनो।

(5) उदै सानायनिफ्राय रेहाय मोनो: लेबुनि रसआव एसे हाइजें होनानै लॉनायजों उदै सानायनिफ्राय रेहाय मोनो। मैंग-थाइंगफोर आरो दालिफोराव लेबु होनानै जानायजों मैंग-थाइंगफोरनि स्वाद आरो देरहोग्रा-लावहोग्रा गुणआव जौगाखाडो। बेजों डिशेजखौ थाबैनो दोगोन खालामनायावबो मदद मोनो।

फावखुंगुर सन्जिभ कुमारनि मोनसे हुदायानो गावनि जिउ जोबनायनि जाहोन जादोंमोन

1960 ई माइथायाव रिलिज जानाय 'हम हिन्दुस्तानी' सावथुनजों हिन्दी सिनेमाआव आगान होजेनाय फावखुंगुर सन्जिभ कुमारआ गावनि 24 बोसोरनि केरियारआव माखासे सुपारहित सावथुनफोर होदों। बिथाडा निशान, आलि बाबा और चीर, स्मगलार, राजा और रंक बायदि माखासे जाफु'सारनाय सावथुनफोराव खामानि मावदोंमोन, नाथाय बिथाडा गाहाइ महरै रमेश सिप्पिनि 'शोले' सावथुनाव 'ठाकुर' नि फाव खालामनायनि थाखाय मिबथिजायो। बबेखानि 1960 निफ्राय 1984 सिमाव मोनसेनि उनाव मोनसे सुपारहित सावथुनफोर होनो हानाय सन्जिभ कुमारआ जोबोद खम बैसोयावनो जिउ गोमादोंमोन। 47 बोसोर बैसोयावनो बिथाडा गावनि अन्साइगिरिफोर आरो नख 'रनि आंगोफोरखौ नागारनानै बे बुहुमनिफ्राय बिदाय लादोंमोन। बावैसो सिगां बिथानि आंगो लोगो आरो क-स्टार परिक्षित शाहनिआ मोनसे इन्टरभिउआव सन्जिभ कुमारनि हार्टएटेक



फैनायनि जाहोनखौ मिबथि एनडिटिभिनि मोनसे खौरानि पिक्के बायदि सावथुनफोराव होदोंमोन। बबेखानि बायदिब्ला, थ्रि इडियट्स आरो बिफानि फाव होनाय फावखुंगुर

शाहरुख-काजलनि दिलवाले दुल्हनिया ले जाएंगे सावथुना 30 बोसोर आबु जासिगोन

दिवालिनि दोहौखौ बे समाव सोरगिदिं नुनो मोनगासिनो दं। 2025 आव दिवालीनि जोंगा-मागायाव जेबो खम जानाय नुनो मोनाखै। नाथाय जॉनि बलिउडआवबो दिवालीनि साजायनायखौ गोबां नुनो मोनो। बक्स अफिसआ दिवालीनि समाव जोबोद जोंगा-मागा जायो, बेनिखायनो बक्स अफिसआव हिट सावथुनफोरनि दोहौजों थानाय बोसोराव गोबां खेब नुनो मोन्दों। 1995 माइथायाव फैनाय दिलवाले दुल्हनिया जे जाएंगे सावथुना मोजां रां आरजिनायजों लोगोसेनो ब्लकबास्टर सावथुन जानोबो



हादोंमोन। बे सावथुना दिवालीनि फोर्बोंनि समाव हिट जादोंमोन आरो गोसोआव थाथाव सावथुनफोरनि मादाव मोनसेमोन। सावथुनाव शाहरुख खान आरो काजलखौ नुनो मोन्दोंमोन। बबेखानि सावथुननि मोनसे-मोनसे डायलगफोरा हिट जादोंमोन। सावथुननि मोनफ्रोम फावआ

सुबुंफोरनि गोसोआव जायगा आवग्रिदोंमोन। आदित्य चप्रानि बिथोन होनाय सावथुना जारिमिननि बाजेटा 4 कौटि रंमोन। अदेबानि बै समाव बे सावथुना 89 कौटि रंनिखुइ बांसिन फालांगि खालामदोंमोन। बेनि अनगायै बे सावथुना वर्ल्डवाइड 102 कौटि रंनिखुइ बांसिन फालांगि

परिक्षित साहनिया बावैसो सिगां गावनि आंगो लोगोखौ गोसोखानानै माखासे बाश्चा खोनासहोदों। बबेखानि, परिक्षित शाहनिया सन्जिभ कुमारनि जिउ गोमानायनि जाहोननि फारसे फोरमायना बुडो, बिथांहा जेबो गाज्रि हुदा गैयामोन। बिथाडा शुटिनि उनावसो ड्रिंक खालामोमोन आरो मोनानि 2 रिंगासिम बिथाडा लोडो जायोमोन। बेनि जाहोनावनो बिथाडा हार्ट एटेक जानानै जिउ गोमादों।

खालामदोंमोन। मिबथि होनाय जायोदि, मुम्बाइनि माराठा मन्दिरआव बे सावथुना जेब्लानिफ्राय रिलिज जादोंमोन बे समनिफ्रायनो सोलिगासिनो दं। 3 बोसोरसिम सावथुना मोनसे थियेटरआवबो सोलिगासिनो दं। बे थियेटरआव आधिखालावबो 11:30 रिंगानि स्व'आ सानफ्रोमबो सोलियो। सावथुननि टिकेटआबो 40-50 रां। बबेखानि बे सावथुनखौ नायनो मोजां मोनग्रा सुबुंफोरा थारैनो नायनो फैयो। शाहरुख-काजलनि बे आइकनिक सावथुना थाबैनो 30 बोसोर आबु जासिगोन।

मुंदांरवा श्व' बिग बस 19 आव अमाल मालिकनि थाखाय बिफाया स्वर गंवलाय नांदों



बिग बस 19 आ 8 सप्ताहजों लोगोसेनो गावसिनि खावसे सिजनखौ बारलांवाय आरो दा गावसिनि फिनलेनि फारसे आवगाय लांगसिनो दं। न'सिनि थासारियानो लान्थियै दुंहाव जानो हमदों। थानाय सानाव मोनसे औरैबायदि इन्स्टिडेन्ट जादोंमोन, जायखौ नुनानै नायगिरिफोराबो खर' गिदिंदोंमोन। थानाय एपिसडआव फरहाना भाट्टनि

केप्टेन्सिनि दाबि दिखानायनि थाखाय निलमगिरि लाइजाम फरायनायखौ न'नि सोद्रोमाफोरा एसेबो मोजां मोनाखै, जायनि जाहोनाव साफ्रोमबो काश्मीरि बलानि सायाव खुद्रिखांदों। बे आयदाखौ सलमान खानआ उइकेन्डनि वारआवबो रायखांदों, जेराव बिथाडा अमाल मालिकनि बिफा डब्बुखौबो लिंहरदों आरो

बिथाडा बिथांखौ माखासे बाश्चा खोनासं होयो। बिग बस खौरांगिरिफोरनि मोनसे रिपर्टनि बायदिब्ला, उइकेन्डनि वारआव सलमान खानआ न'आव जानाय बे गोमोथावना इन्स्टिडेन्टनि थाखाय अमाल मालिकखौ सोंखारिनाय नुनो मोन्दों। बबेखानि सलमान खानआ दं'खोगिरिखौ सोंखारिनानै बुडो, नोंथानो थोरसि गाहरनायनि

अधिकारखौ सोर होदों? नोंथाडा जेब्लाबो जेबो साना-हसिया बाश्चा बुडो। बे समाव बिथानि बिफा डब्बु मालिकआबो बेवहाय दंमोन, जाय गावनि फिसाज्लाखौ नुनानै गाबा मोखां जादों आरो लोगोसेनो बिनि आबुनि सायावबो दुखु जादों। सलमान खानजों सोंखारि जाखानायनि उनाव फिसाज्ला अमाल मालिकखो सामलायनानै बिथाडा बुडो, जोंहा नॉनि सायाव जोबोद गोग्गानाय दं फिसा, नाथाय बेयो जॉनि लिगेसि नडा। बबेखानि बिग बस 19 नि बे उइकेन्ड वारआव डब्बु मालिकआ गुबुन माखासे नुजाथिफैनाय प्पेन्टफोरनि सिगाडावबो मिबथि होदोंदि, जेब्ला अमालआ बे बायदि आबुखौ न'आव दिन्थियो अब्ला बिनि बिबौआ बिनि आबुनि सायाव जोबोद स्ट्रिक्ट जायोमोन आरो सामलायोमोन।

टाइगार श्रफनि 'बागी 4' सावथुना थियेटरनि उनाव अटिटि प्लेटफर्मआव स्ट्रिम जाबाय

टाइगार श्रफनि मस्ट एन्टिसिपेटेड सावथुन 'बागी 4' आ थानाय दानाव सिनेमा हलफोराव रिलिज जादोंमोन। नाथाय दा से खावसे दाननि उनाव सावथुना अटिटिआव नुजाथिबाय। गोबाव समनिफ्रायनो बे सावथुना अटिटि रिलिज जानायखौ नेनानै दंबाय थायोमोन। बबेखानि बागी 4 सावथुना थानाय दान एबा 5 सेप्टेम्बरखालि सिनेमा हलफोराव रिलिज जादोंमोन। साजिद नाडियावालानि फ्रेन्चाइजि बागीनि थानाय मोन्थाम सावथुनफोरा मोजां जाजोबदों। सरासन्त्रा रिक्सनबो मोन्दों आरो मोजां रांबो आरजिदों। बागी 4 आव टाइगर श्रफजों लोगोसे हरनाज कौर सन्धु, सनम बाजवा आरो



सन्जय दत्तआ गाहाइ फावआव दंफायोमोन। सावथुनआव श्रेयस तलपड़ेआबो गाहाइ फावआव दंमोन। सावथुनखौ ए हर्षाया बिथोन होदोंमोन। बलिउड हांगामानि बायदिब्ला, 80 कौटि रंनि बाजेटआव बानायनाय बागी 4 सावथुना नख'रारि बक्स

अपिसआव 47.40 कौटि रंनि फालांगि खालामदोंमोन। बे सावथुना अभारसिजआव 9.96 रौटि रां आरजिदों। ग्रस कालेक्सनखौ जथाइनानै वर्ल्डवाइड 66.39 कौटि रां आरजिदों। बबेखानि सावथुनाव सन्जय दत्तआ खलनायकनि बिफाव होदों।

जुदि नोंथांमोनहा बे सावथुन थियेटरफोराव नायाखैमोनब्ला दा बेखौ अटिटिआव नायनो हासिगोन। 17 अक्टबर 2025 निफ्राय बागी 4 सावथुनआ अटिटि प्लेटफर्म आमोजन प्राइम भिडिअयाव स्ट्रिम जासिगोन।

'बाहुबलि-दा एपिक' सावथुनखौ इउएन सार्टिफिकेटजों लोगोसे रिलिज खालामनो हासिगोन

सेन्ट्रल बर्ड अफ फिल्म सार्टिफिकेट शन (सिबिएफसि) आ बिथोनगिरि एस.एस राजामौलिनिम 'बाहुबलि-दा एपिक' खौ इउ ए सार्टिफिकेटजों लोगोसे रिलिज खालामनो थाखाय गनायथि होबाय। बे सावथुना 3 घन्टा 44 मिनिटनि समायना सल'। बबेखानि बे सावथुनाव फ्रेन्चाइजिनि मोनै खोन्दोआ दंफायो। भारतीय ब्लकबास्टर 'बाहुबलि' सावथुन बानायगिरिफोरनि मादाव सासे शबु यालांगिडडाआ माखासे सान सिगां बिथोनगिरि एस. एस. राजामौलि आरो बिथानि



टीमखौ 'बाहुबली दा एपिक' नि पस्ट-प्रडाक्सनआव गोबां खस्थ' खालामनायनि थाखाय गाहाम हामब्लाइथि होदोंमोन। सावथुन बानायगिरिया बे समाव मिबथि होदोंमोनदि, बिथोनगिरि एस.एस. राजामौलि आरो बिथानि टीमजों लोगोसे जेबो आद्रा

खामानि मावनाय जायाखै। बबेखानि शबु यालांगिडडाआ बिथोनगिरि राजामौलिआ 'बाहुबलि दा एपिक' नि थाखाय जोबथा महरखौ माबोरै खालामदोंमोन बेखौ मिबथि होदोंमोन। जाय सुबुंफोरा मिबथिया बिसोरनो मिबथि होनाय जायोदि, 'बाहुबलि-दा एपिक'

फ्रेन्चाइजिखौ 'बाहुबलि' नि मोनै खोन्दोफोरखौ जथायनानै मोनसे सावथुन बानायगोन। बे मुंदांखा फ्रेन्चाइजिनि बानायगिरिफोरा सावथुननि 10 बोसोर आबु जानायाव सावथुनखौ रिलिज खालामफिन्नो थांखि लादों। बे खाबुआव सावथुन बानायगिरिफोरा बे बोसोरनि 31 अक्टबरखालि मोनै खोन्दोखौ जथायनानै मोनसे सावथुनआवनो दिन्थिनो नाजादों। मिबथि होनाय जायोदि, एसएस राजामौलिनि दिहन्नाय सावथुनाव प्रभास, राणा दग्गुबल्लि, अनुष्का शेट्टि आरो तमन्नाआ गाहाइ फावआव दं।

